



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXIII.

15. Septembris. 17. Cal. Octob.

urn:nbn:de:hbz:466:1-45314

successoribus celeri fato raptis, ad paternas denuo curas vocatus, quatuordecimannis clayum tam strenuè tenuisti, ut propagato per Filias insignes S. Ordine, compositis per loca etiam longè distita controversiis, domi forisque inclytus; clara, si quisquam alius, sanctimonix famâ ex Morimundo tuo, ad vitam immortalem discesseris. *Quam imbelles sumus milites! cælum, quod sola vi rapiendum esse, quovis audimus, & te cum innumeris fecisse, laudamus, ingredi speramus, per stratum mollibus rosis iter. Exilium, non patriam petit, qui spinas in via horret.*

S. BERNARDUS, s. 3. de Nat. Dom.

Christi *Merito carnalis prudentia inimica est*
 exem- *Deo, & seculi quoque prudentia stul-*
 plo præ *titia nominatur. Quid enim? Chri-*
 molli- *stus utique, qui non fallitur, elegit,*
 bus a- *quod carni molestius est. Id ergo me-*
 manda *lius, id utilius, id potiùs eligendum:*
 aspera. *Et quisquis aliud docet vel suadet, ab*
eo tanquam à seductore cavendum.



Floruit 15. Septembris. 17. Cal. Octob.
 anno B. STEPHANE Grandis Sylvæ Con-
 1201. versæ; qui felici confratrum aliquot
 in pa-

in patriam coelestem transitu incitatus, ardenti desiderio cupiebas dissolvi & esse cum Christo. Nec distulit Divina clementia implere desiderium tuum. Nam febrî correptus alacri animo te ad postremum agonem comparasti. Hunc mentis Jubilum cum is in te cerneret, qui tui curam agere iustus erat, te rogavit, ut inter cœlites receptus tuis precibus illi quoque celestem ab hoc exilio migrationem impetrares. Elapsis itaque paucis diebus illi visus es veste amictus rutilante, felixque futuræ beatitudinis nuncius, si tamen prius commissum in juventute delictum, & hætenus sub cineribus oblivionis sepultum, exomologesi & serâ pœnitentiâ deleverit. *Impetra mihi lumen, quo tenebrosos conscientie meæ angulos investigem, & nunc delicta mea pœnitentiâ aboleam, antequam mortis caligo me obruat.*

B. ACHARDE, Monache Claræ-

*Floruit
anno
1142.*

vallis melliflue Bernardo in paucis dilectæ: animi enim tui fidelissimi puritatem intimè pernoscentes, te contra diabolicas technas jam tyronem paternè præmunivit. Erat è tyronum numero, qui clam ad secularis vitæ vomitum rediturus, spoliū librorum furtivè secum auferre proposuerat.

L I

rat.

Demonis fallacias deprehendit.

Apostata interitus terribilis.

Alter Antonius cum demone pugnat.

rat Cujus fraudis non ignarus sanctus Abbas, te pridie præmonuit; ut eam noctem ageres pervigilem, intentus in transfugam, ne cum rapina elaberetur. Nocte igitur jam in auroram vergente devicto viriliter somno, vidisti duos horrendæ proceritatis gigantes ingredi cubiculum, quorum alter assam veru gallinam, fædo serpente circumvolutam, gestans, altè stertentem excitavit, atque eduxit. Nec mora; tu adscitis in subsidium sociis desertorem à fuga retraxisti: qui tamen in malo pertinax dimissus quidem fuit; sed eadem mox die à dæmone correptus turpem fugam terribili interitu luit. Neque contentus malignus hostis, se in fonte vindicasse, te sub militis deformis specie ad singulare certamen provocavit. At in Achillem nempe incidit, tam strenuo pugni ictu à te multatus, ut comminutum cerebrum in terram effundere visus fuerit. Ex quo ictu, ne ludicram fuisse pugnam putares, manus tumorem, tamque putidum fætorem contraxit, ut integro anno, non sinè gravi molestia inhaferit. Prælium confecerat, sed non bellum. Idem enim veteraror jam noctu precibus incumbenti lampades fulguris instar coruscantes objecit; jam

jam verbera quin & vulnera inflixit; *semper*
 qua sævitia nihil aliud effecit, quam ut, *victor.*
 te ad omnem impetum immobili, vi-
 ctus & confusus abscesserit. Deinceps
 aliis te laboribus destinavit dulcissi-
 mus parens, quos illi in construendis
 aliquot cœnobiis egregios navâsti. Ul-
 timos piissimæ vitæ annos tyrønibus
 erudiendis donâsti, ingenti eorum
 fructu; utpote ab artis hujus summo
 Magistro enutritus, & experientia lon-
 gâ exercitatus. *Firma tuis meritis ma-*
num meam cum hoste maligno luctantem:
irrequietus est, & mille fraudum arti-
fex, sed militi cordato & in gratia divina
spem suam collocanti minimè formidandus.

S. BERNARDUS, ser. 5. de XL.

Ecce inflammat inimicus desiderium
cibi: Vanitatis, aut impatientia cogi-
tationes ingerit: aut excitat libidinis
motum: tu solummodò ne consenseris;
& quoties restiteris, toties corona-
beris.

Negato
 consen-
 su vict^o
 est dia-
 bolus.



16. Septembris. 16. Cal. Octob.

B. MARIA de Arroyo Monialis
 stemmate & animo generosa: quæ
 post mariti obitum, quem juvencula
 L I z duxe.

Circa
 annum
 1260.